

Penny
呢個黑色見
工look錯處
多。

唔好着黑色

◀ 黑色代表權威，見工應該着藍色西裝，藍色代表忠誠和穩重，容易突出自己，而且黑色布料容易被一人一眼看出質料，質料差讓人覺得好cheap。

幫富豪shoppin 職場形象顧問

記者不修邊幅，訪問身為專業職場形象顧問的Peter時，感到壓力，他專長是西裝美學，不時舉辦講座為企業員工教授商務服裝打扮及禮儀；又有專業人士如醫生、會計師、CEO，甚至城中富豪找他幫手塑造專業形象。

問Peter會不會狠批朋友不懂穿衣？Peter笑言：「朋友唔問，我唔會主動講，因為好多人唔鍾意接受批評，所以就算對客，我都會用啲好soft同鼓勵性嘅字眼。其實你嘅輪廓ok，唔使太擔心，幾好呀！」從對記者的評語，深明Peter不只擁有穿衣的知識，還表現了他的說話藝術，難怪他最高可以月入10萬。

撰文 > 陸伊琳 攝影 > 傅新發 美術 > 陳仲思
模特兒 > Penny@The Group 鳴謝 > 上海萬美洋服公司

記者問西裝美學是什麼？Peter說：「即係點樣着西裝先好睇，因應自己身份及場合，去選擇打咩呔，唔同領呔嘅打法又會有唔同，睇吓自己膚色啱襯咩顏色，做到隱惡揚善，就算特首都有着錯衫嘅時候！」記者覺得擁有模特兒身形及明星面孔，穿什麼都好看，Peter說：「唔係人人都好似Tom Cruise同Nicole Kidman有黃金比例身段，男嘅係1:1，女係1.4:1（即指腿長與上身比例）；但後天有得補救，亞洲嘅女仔雙腿唔夠長，咪着番對高蹺鞋囉，而男仔就可以着啲短身嘅西裝，睇落去好以下身拉長咗，感覺會靚啲。」

Peter在加拿大長大，於美國留學，主修商科，與形象顧問拉不上關係。但他自小鍾情西裝，小時候最愛的服裝就是校服，這個興趣推



◀ 西裝真是一門學問，單是布料種類已多不勝數，這塊布造出來的西裝要成\$25,000，貴在它的線幼密度。Peter說一套起碼見得下人的西裝用料連手工起碼要\$3800，恤衫當然也要訂做！

臨近搵工季節，找Peter
評一評，一些着衫見工貼士。

◀ 商務世界的西裝
後幅最好剛好蓋過
臀部，除非是投身
創意行業，就可短
一些帶點fashion
味。

要遮pat pat

▶ 八字領恤衫應打上
溫莎結。



◀ 領呔打法有好多
種要配合不同領
位，好多人都習慣
打溫莎結(左)，但
因現時好多恤衫領
位較窄，應打上較
細的馬伏結(右)。
而斜紋呔讓人有忠
誠的感覺。

打錯結

ng

動了他四出搜集資料，看很多關於西裝的書籍，對於西裝歷史及其典故十分熟悉，慢慢成為了西裝美學專家。他於05年回流香港，先在意大利洋服店任職售貨員，其後報讀專業形象而入行。

學懂穿衣尋找自信

現時Peter主要的客人是從事金融、保險等專業人士，「其實識得着衫，亦可以增加自信，好似有啲客失戀會嚟學，無非想搵番自信。試過有個會計師獲老闆邀請做合夥人，條件係要執番似一個老闆嘅look，所以走嚟搵我畀意見，我由打扮出發，再教佢一啲商務及餐桌禮儀，例如言談、握手、西式用餐等技巧，好似點樣品嘗紅酒，點樣形容酒味，等佢去應酬時唔會失禮。其實好多aggressive嘅人想升職上位都會走嚟學，令上



Peter與裁縫關係微妙，既是合作伙伴又是鬥氣冤家，Peter要跟進客人造衫的進度，周不時都為設計與裁縫意見不合。今日來到他相熟的萬美洋服店，影相前也為裁縫打好條吹，唔好失禮！

司覺得自己Pro啲，有台型啱做高位。」

職場形象顧問沒有分淡旺季，但每逢暑假就多了一班大學生客，「佢哋主要想知道見工應該點着衫，其實我覺得絕對有需要，因為第一個印象好重要。好多人都鍾意着黑色套裝，覺得夠穩陣，但其實呢個唔係一個好嘅職場顏色。黑色代表權威，做下屬或者求職者着藍色會比較好，因為代表忠誠及穩重，加上斜間條紋呔會給予對方信心。當1百個人着得黑沉沉去見工，你能夠着其他顏色凸顯自己性格，令人留下印象，當然唔係要浮誇啦！」

Peter的服務多以時薪計，行內收費由\$800至\$2,500不等，視乎經驗，想找Peter幫手執一執個look或學習專業形象，他每小時收約\$1,000，或有個基本8小時套餐收\$9,888，當中包括5小時顧問服務和3小時陪同購物，「教完客人理論，了解自己優點同缺點，應該點着衫，就會去鋪頭買衫，我從旁畀意見。」

為富豪客買10萬衫

現時Peter有3個富豪客，有的是人介紹，有的是其助手上網找到他，就是靠一次會面，去決定能否接到這單生意。除了對西裝有專業知識，Peter自言要口才了得，才能給予客人信心，「富豪同助手會接見你，佢哋時間好寶貴，好多時要利用幾分鐘時間去sell自己，同要分析畀佢聽佢想要嘅嘢，例如佢想去ball，你即刻

可以講到可以點樣着，咩色先可以令佢突出自己，佢信你，自然會畀你處理晒佢所有嘅打扮。」

有些富豪每月會給10萬Peter為他們買衫，「富豪冇乜時間買衫，我就做咗佢哋嘅私人買手，到各名店揀合適佢哋嘅衫，我事先擺齊佢哋嘅size、鍾意咩牌子、咩類型嘅衫、去咩場合多，再加入我嘅意見。好似有個富豪客接受唔到着其他顏色嘅衫，成日着灰灰沉沉嘅顏色，有次我幫佢買咗粉紅同藍色嘅恤衫，最初佢有啲抗拒，之後着起又幾好睇就buy咗我意見。」

現時有好多朋友會羨慕Peter可以出入名

高官good & bad

Peter表示相貌身形都是其次，最重要是穿衣不要失禮身份，好像曾特首有時都會穿錯，把西裝誤當禮服，數高官穿得好看，就要讚唐英年。



曾特首於05年時在

華盛頓接受亞洲協會領袖

獎時，穿上紅領呔和西裝，呢

個係back tie event，曾特首失手

press down咗，應穿上禮服及黑領

呔，咩係禮服？起碼領位係絲

質，而手袖鈕係包扭設計。

自此之後，特首都好少

着錯衫。

《蘋果日報》圖片

唐唐穿衣稱身，好端莊，懂得扣上腰間一粒鈕。點解唔全部鈕都扣上？因為扣腰以下嘅鈕會令整件西裝縮起，會好難睇。

